

UGOVOR O IZVOĐENJU RADOVA

Ugovor o izvođenju radova "Realizacija liste kapitalnih projekata, faza I", za Lot-8 Izrada presvlake na LC u MZ Novi Miljanovci, Izrada presvlake na putu bare-škola-Omerbašići u MZ Miljanovci-Lončari; Asfaltiranje lokalnog puta Ibrahimovići u MZ Šije, Izgradnja puta Jazovi u MZ Bobare-Drinčići-Blaževci, sačinjen je između strana:

1)OPĆINA TEŠANJ, Trg Alije Izetbegovića 1, Tešanj ID: 4218328550008, kojeg zastupa Općinski načelnik mr.sci.Suad Huskić, (u daljem tekstu: "Ugovorni organ"), i

2)DOBOJPUTEVI DD Doboj Jug, Usorska 130 74203 Matuzići, ID broj: 4218113270004, kojeg zastupa Kruško Admira po Ovlaštenju broj:01/1-1322/24 od 24.06.2024.godine (u daljem tekstu: "Izvođač")

Ugovorni organ ovim angažuje Izvođača za izvršenje Ugovora, nakon što je prihvatio ponudu Izvođača broj: 01/1-1111-8/24 od 29.05.2024. godine, za planirani period okončanja radova od 60 (šestdeset) dana od datuma uvođenja u posao od strane nadzornog organa.

PREDMET UGOVORA

Član 1.

(1) Predmet ovog ugovora su radovi na "Realizaciji liste Kapitalnih projekata, faza I", za Lot-8 Izrada presvlake na LC u MZ Novi Miljanovci, Izrada presvlake na putu bare-škola-Omerbašići u MZ Miljanovci-Lončari; Asfaltiranje lokalnog puta Ibrahimovići u MZ Šije, Izgradnja puta Jazovi u MZ Bobare-Drinčići-Blaževci.

Član 2.

(1) Ovim ugovorom Ugovorni organ povjerava, a Izvođač se obavezuje izvršiti radove koje su predmet ovog ugovora, a u svemu prema projektnoj dokumentaciji, opisu, nacrtima, kao i ponudi broj: 01/1-1111-8/24 od 29.05.2024. godine (protokol ugovornog organa broj:08-11-3-1448-9/24 od 29.05.2024. godine) i predmjerom radova koji čini sastavni dio navedene ponude i ovog ugovora.

OBAVEZE UGOVORNOG ORGANA

Član 3.

(1) Posebne obaveze Ugovornog organa su:

1. Izvođača uvesti u posao u roku od 5 (pet) dana od dana zaključenja ovog ugovora (obaveza Nadzora);
2. Obezbjediti instrumente plaćanja za ugovorene radove;
3. Imenovati Nadzor;
4. Obezbjediti propisnu dokumentaciju za početak i završetak radova.

(2) Ugovorni organ je dužan u pismenoj formi odgovoriti na zahtjev Izvođača za objašnjenjem nedovoljno jasnih detalja u investiciono-tehničkoj dokumentaciji, kako ne bi došlo do zastoja u toku radova.

OBAVEZE IZVOĐAČA

Član 4.

(1) Izvođač je dužan proučiti investiciono-tehničku dokumentaciju na osnovu koje se izvode radovi i da, ako bude trebalo, od ugovornog organa u pismenoj formi zatraži objašnjenje nedovoljno jasnih detalja.

Član 5.

(1) Izvođač se obavezuje da će radove koje je preuzeo, izvoditi na način da ih preda Naručiocu u potpunosti gotove, te da će izraditi svu potrebnu tehničku dokumentaciju za ugovorene radove.

Član 6.

(1) Obaveza Izvođača radova je da dostavi Ugovornom organu Garanciju za uredno izvršenje ugovora. Iznos garancija za uredno izvršenje ugovora je 10% od vrijednosti ugovora.

Forma garancije za uredno izvršenje ugovora je data u Prilog 10. tenderske dokumentacije.

(2) Garancija za uredno izvršenje ugovora se predaje u roku od 7 (sedam) dana od dana zaključivanja ugovora.

(3) U slučaju da izabrani ponuđač ne dostavi garanciju za uredno izvršenje ugovora, zaključeni ugovor se smatra apsolutno ništavnim. U tom slučaju ugovorni organ će ponuditi zaključivanje ugovora drugorangiranom.

Član 7.

(1) Izvođač se obavezuje poduzeti sve potrebne mjere za osiguranje i zaštitu objekata, radova, opreme, materijala i radnika, prolaznika, prometa i susjednih objekata u zoni radova.

(2) Od datuma početka radova do momenta izdavanja potvrde o otklanjanju svih nedostataka, Izvođač preuzima sve rizike osobnih povreda, smrti, gubitka ili oštećenja objekata, radova, materijala i angažovane opreme.

(3) Izvođač je dužan pridržavati se svih mjera zaštite na radu, uključujući i obavezu zaštite gradilišta od pristupa lica koja nisu uključena u izvedbu radova.

(4) Izvođač je dužan tokom izvođenja radova provoditi mjere zaštite okoliša u skladu sa normama ISO 14001:2004 i najboljim praksama. U slučaju potrebe za upotrebom sredstava, opasnih materija ili materija koje mogu negativno uticati na okoliš Izvođač je dužan prije upotrebe dostaviti imenovanom nadzoru sigurnosne listove, certifikate ili drugu dokumentaciju, odnosno odgovarajuće dokaze kojima će se osigurati zaštita okoline. U slučaju da Izvođač načini štetu na okolišu, dužan je istu otkloniti o svom trošku. Ukoliko Izvođač ne ukloni utvrđenu štetu na okolišu u ostavljenom mu roku, Ugovorni organ, uz prethodno obavještanje Izvođača o svojoj namjeri, ima pravo da povjeri otklanjanje štete drugom izvođaču, a na teret Izvođača po ovom ugovoru.

Član 8.

(1) Cijelo gradilište se mora stalno držati čisto, a po završetku posla, prije predaje objekta cijelo gradilište mora biti potpuno očišćeno od šuta, smeća i opreme, uređeno i spremno za predaju.

(2) Do predaje objekta Ugovornom organu, Izvođač odgovara apsolutno za sve na njemu, a u slučaju štete ili kvara, Izvođač je dužan da dovede objekat u ispravno stanje o svom trošku.

(3) Građevinsku knjigu i dnevnik vodi Izvođač i svakodnevno upisuje potrebne podatke, a predstavnik Ugovornog organa vrši pregled i ovjerava svaku stranu svojim potpisom.

Član 9.

(1) Po realizaciji ovog ugovora Izvođač će dostaviti zahtjev Ugovornom organu za tehnički prijem izvršenih radova. U prilogu navedenog izvještaja mora biti potvrda Nadzora o završetku radova.

(2) Izvođač je dužan kod primopredaje radova vratiti svu tehničku dokumentaciju primljenu od ugovornog organa, dostaviti ateste za izvedene radove, garantne listove, te potrebna uputstva.

(3) Ukoliko su prilikom primopredaje radova uočene i na zapisnik evidentirane primjedbe, Izvođač je dužan postupiti po zapisniku i otkloniti iste u roku koji je zapisnički određen.

Član 10.

(1) Štetu koju za vrijeme izvođenja radova načini Izvođač u krugu gradilišta ili na susjednim objektima, dužan je otkloniti i dovesti u prvobitno stanje o svom trošku.

(2) Počinjena šteta utvrdit će se zapisnički od strane ugovornih strana.

Član 11.

(1) Izvođač će ažurno voditi svu potrebnu prateću dokumentaciju o izvedenim radovima.

(2) Građevinski dnevnik vodit će se u dva primjerka i svakodnevno će se potpisivati.

(3) Građevinska knjiga će se voditi za sve radove u jednom primjerku.

ROKOVI

Član 12.

(1) Rok za završetak radova iz predmeta ugovora je 60 (šestdeset) dana, počevši od dana uvođenja izvođača u posao od strane nadzornog organa.

Član 13.

- (1) Izvođač može iz opravdanih razloga revidirati dinamiku izvođenja radova u bilo koje vrijeme u toku trajanja ovog ugovora.
- (2) Revidirana dinamika treba da prikaže stvarno stanje Izvođača po aktivnostima i utjecaj izmjena na vremensko usklađivanje ostatka radova i promjene u redoslijedu aktivnosti.
- (3) Reviziju dinamike izvođenja radova mora odobriti Ugovorni organ.

Član 14.

- (1) Ugovorni organ može odložiti početak radova ili bilo koje aktivnosti u sklopu radova, kao i produžiti datum završetka radova, ukoliko za to postoje opravdani razlozi (vremenske prilike, izmjene u projektu, izmjena uslova za izvođenje radova koji nisu predviđeni tehničkom dokumentacijom, postupci trećih lica koje Ugovorni organ i Izvođač nisu izazvali svojom krivicom), bez dodatnih troškova, samoinicijativno ili po zahtjevu Izvođača.
- (2) Ugovorni organ će odlučiti o produženju datuma završetka radova u roku od 5 (pet) dana od dana kada je Izvođač podnio pismeni zahtjev sa obrazloženjem.
- (3) Ako Izvođač ne podnese zahtjev za produženje radova u roku od 5 (pet) dana od dana nastanka uslova za produženje roka, predviđeni datum završetka radova neće se mijenjati.
- (4) Ukoliko Ugovorni organ ne odgovori na zahtjev Izvođača za produženje roka završetka radova u roku od 5 (pet) dana od dana prijema zahtjeva, smatra se da je prihvatio zahtjev Izvođača.
- (5) Ukoliko Izvođač ne izvodi radove u skladu sa ovim ugovorom i Nadzor obustavi daljnje izvođenje radova, rok završetka radova se ne produžuje.

Član 15.

- (1) Izvođač se obavezuje da će za cijenu iz ovog ugovora, na prvi poziv Ugovornog organa, u najkraćem roku otkloniti eventualne nedostatke, a po opravdanim primjedbama ugovornog organa ili angažovanog Nadzora.

Član 16.

- (1) Ugovorne strane su saglasne da se izvođenje radova odvija kontinuirano i bez zastoja, u skladu sa dinamičkim planom (ili eventualnim revizijama), bez obzira na priliv finansijskih sredstava u pojedinom razdoblju.

NADZOR NAD IZVOĐENJEM RADOVA I GRADILIŠNA DOKUMENTACIJA

Član 17.

- (1) Stručni nadzor izvođenja radova iz predmeta ovog ugovora, u ime i za račun Ugovornog organa, vršit će pravno lice koje odredi Ugovorni organ.

KVALITET I GARANCIJA

Član 18.

- (1) Izvođač se obavezuje da će radove iz ovog ugovora izvršiti savjesno, kvalitetno (uz predočenje atesta-deklaracije shodno propisima iz oblasti investicija) i na vrijeme, u svemu prema pozitivnim zakonima i zakonskim propisima koji regulišu ovu oblast, traženom kvalitetu i roku naznačenom u ovom ugovoru, standardima i pravilima struke, sa stručnim kadrovima koji su navedeni u ponudi.
- (2) Izvođač garantuje da će kvaliteta izvedenih radova u vrijeme primopredaje biti u skladu sa ovim ugovorom, propisima i pravilima struke i da neće imati mana koje će umanjiti njihovu vrijednost ili onemogućiti njihovu podobnost za redovnu upotrebu, odnosno upotrebu određenu ovim ugovorom.
- (3) Ugovorni organ ima pravo stručnog kontroliranja kvalitete izvršenih radova i ugrađenog materijala, a Izvođač je dužan o svom trošku a po zahtjevu investitora ili nadzora radova izvršiti ispitivanje izvedenih radova prema određenim stavkama u predmjeru radova datog ugovora.

Član 19.

- (1) Izvođač je dužan o svom trošku naručiti ispitivanje izvedenih radova na lokacijama koje odredi Ugovorni organ, te da pribavi certifikate i ateste kojima se dokazuje kvaliteta ugrađenog materijala i izvedenih radova, a u svemu prema propisima koje regulišu ovu oblast.

Član 20.

- (1) Izvođač je dužan da dopusti i omogući Nadzoru nesmetano vršenje nadzora izvođenja radova po ovom ugovoru.
- (2) Nadzor je dužan da kontroliše količinu izvedenih radova, ugrađeni materijal i kvalitet radova, te, u slučaju nedostataka, obavijesti – upozori Izvođača.
- (3) Izvođač je dužan da o svom trošku otkloni uočene nedostatke u vremenu koje je određeno u upozorenju Nadzora.
- (4) Ukoliko Izvođač ne otkloni nedostatke u predviđenom vremenu, Nadzor će procijeniti cijenu otklanjanja nedostataka i Izvođač je dužan da Ugovornom organu nadoknadi ovaj iznos ili će Ugovorni organ nadoknaditi ovu sumu odbijanjem od iznosa koji duguje Izvođaču.

Član 21.

- (1) Izvođač prihvata garantni rok od 24 mjeseca za izvedene radove koji počinje teći od zapisničke primopredaje radova.

Član 22.

- (1) Garantni rokovi za dio radova pod reklamacijom produžuju se za vrijeme koje počinje danom kad je Izvođaču uložena reklamacija od Ugovornog organa i završava danom otklanjanja istih. O otklanjanju nedostataka Izvođač i Ugovorni organ (ili njegov ovlašteni predstavnik) će sačiniti zapisnik.

UGOVORNA KAZNA I NAKNADA ŠTETE

Član 23.

- (1) U slučaju kašnjenja dobavljača, do kojeg je došlo krivicom odabranog dobavljača, isti će platiti ugovornu kaznu u skladu sa Zakonom o visini stope zatezne kamate u iznosu od 0,03% dnevno od ukupne ugovorene vrijednosti robe, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupne ugovorene vrijednosti roba koji su predmet Ugovora.
- (2) Odabrani izvođač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa.
- (3) Djelimično izvršenje radova u predviđenom roku ne isključuje obavezu plaćanja ugovorne kazne u slučaju krajnjeg zakašnjenja.
- (4) Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumijeva slučaj kada ispunjenje obaveze postane nemoguće zbog vanrednih vanjskih događaja na koje izabrani ponuđač nije mogao uticati niti ih predvidjeti.

Član 24.

- (1) Izvođač ne plaća ugovornu kaznu i štetu ako dokaže da nije kriv za zakašnjenje u izvođenju ili predaji izvedenih radova, odnosno ako nije uzrokovao nastajanje štete.
- (2) Izvođač će platiti samo dio ugovorne kazne i/ili štete koji je srazmjeran njegovoj krivici, ako dokaže da je samo djelimično kriv za zakašnjenje, odnosno za nastajanje štete.

Član 25.

- (1) Naručilac će raskinuti ugovor ako Izvođač u provođenju ugovora :
 - počini nedostatke koji se ponavljaju,
 - načini štetu ili štetne posljedice za Naručioca ili treća lica,
 - prekine izvršenje poslova bez odobrenja za prekid, i
 - ne otkloni nedostatke u zadatom roku.
- (2) Ugovor se raskida pisanom obavijestiti drugoj strani uz otkazni rok od 15 dana.
- (3) Radnje iz stava 1. ovog člana koje dovedu do jednostranog raskida ugovora sa Izvođačem smatrat će se teškim profesionalnim propustom Izvođača radova.

CIJENA I NAČIN PLAĆANJA

Član 26.

- (1) Naručilac se obavezuje da će za radove koji su predmet ovog ugovora Izvođaču platiti iznos sa PDV-om od 76.787,80KM (slovima: sedamdesetšestiljadasedamstotinaosamdesetsedam i 80/100 konvertibilnih maraka), u vrijeme i na način predviđen ovim ugovorom.

(2) Jedinične cijene po ovom ugovoru su fiksne i ne mogu se mijenjati do kraja gradnje. U cijenu su uračunate sve obaveze Izvođača (troškovi transporta i rada, materijal, porez, doprinosi i drugi troškovi vezani uz izvedbu radova iz predmeta ovog ugovora).

(3) Sva plaćanja Izvođaču po ovom ugovoru vršiti će se putem računa broj:1990460003008843 kod Sparkasse Bank d.d. BiH.

Član 27.

(1) Plaćanje će se vršiti po dostavljenim privremenim situacijama potpisanim od strane nadzora, po okončanim situacijama i izvještaju nadzora, u roku od 30 (trideset) dana od dana dostavljanja fakture za izvršene radove u skladu sa uslovima iz ugovora, na žiro račun ponuđača.

DODATNI I NOVI RADOVI

Član 28.

(1) Ugovorni organ može, ukoliko se za to ukaže potreba i ispune zakonski uslovi, dodijeliti novi ugovor Izvođaču za dodatne radove putem pregovaračkog postupka bez objavljivanja obavještenja o nabavci.

(2) Ukupna vrijednost ugovora dodijeljenog za dodatne radove ne može preći 20 % od vrijednosti osnovnog ugovora.

ZAVRŠNE ODREDBE

Član 29.

(1) Zabranjeno je predstavniku ugovornog organa primanje a potpisniku ugovora davanje dara ili neke druge povlastice u obliku novčanih sredstava ili u bilo kojem nenovčanom obliku, s ciljem ostvarivanja uticaja na realizaciju potpisanog ugovora.

Član 30.

(1) Ukoliko dođe do spora, ugovorne strane će isti prvenstveno rješavati sporazumno, najkasnije u roku od 8 (osam) dana od dana nastanka sporne situacije-pitanja.

(2) Ukoliko ugovorne strane ne postignu sporazum, za sve sporove između Izvođača i Ugovornog organa u vezi sa ovim ugovorom određuje se nadležnost Suda u Tešnju.

Član 31.

(1) Na opće i posebne ugovorne uslove iz ovog ugovora, ukoliko su kontradiktorni zakonima i podzakonskim aktima iz oblasti predmeta ovog ugovora, primjenjuju se odredbe tih zakona i podzakonskih akata.

(2) Za sve što nije predviđeno ovim ugovorom primjenjuju se odredbe Zakona o obligacionim odnosima, te odredbe zakona i podzakonskih akata iz oblasti predmeta ovog ugovora.

Član 32.

(1) Sastavni dio ugovora je Ponuda broj: 01/1-1111-8/24 od 29.05.2024. godine (protokol ugovornog organa broj:08-11-3-1448-9/24 od 29.05.2024. godine) i izvještaj sa E-aukcije od 04.06.2024.godine.

(2) Ugovor je sačinjen u 6 (šest) istovjetnih primjeraka, od kojih svaki primjerak ugovora ima snagu originala, a Ugovorni organ zadržava 4 (četiri) primjerka, a Izvođač zadržava 2 (dva) primjerka.

ZA IZVOĐAČA:

DOBOJPUTEVI DD Doboj Jug


Kruško Admira po Ovlaštenju


broj:01/1-1322/24 od 24.06.2024.godine

Broj: 01/1-1330/24

Datum: 26.06.2024.godine

ZA UGOVORNI ORGAN:

Općina Tesanj
Općinski načelnik


mr. sci. Suad Huskić

Broj: 02-11-3-1448-29/24

Datum: 26.06.2024. godine



IZVJEŠTAJ O TOKU I ZAVRŠETKU E-AUKCIJE

Broj postupka:	375-1-3-49/24
Broj lota:	8
Naziv ugovornog organa koji je objavio obavještenje:	OPCINA TEŠANJ
IDB/JIB ugovornog organa koji je objavio obavještenje:	4218328550008
Vrsta postupka:	Otvoreni postupak
Kriterij za dodjelu ugovora	Najniža cijena
Naziv predmeta ugovora:	Realizacija liste kapitalnih projekata, faza I
Datum i vrijeme kreiranja izvještaja:	4.6.2024. 12:44:35

Datum i vrijeme zakazivanja e-Aukcije:	31.5.2024. 15:40:32
Predviđeno vrijeme trajanja zakazane e-Aukcije:	10

POČETNA RANG LISTA PONUĐAČA KOJI SU POZVANI DA UČESTVUJU U E-AUKCIJI

R.br.	Naziv ponuđača	IDB/JIB	Početna cijena u KM bez PDV-a	Rang
1	KOMGRAD-ZE D.O.O.	4218753680004	65631,10	1
2	DOBOJPUTEVI DD DOBOJ JUG	4218113270004	68902,60	2
3	D.O.O. "GEO-PUT"	4218460740002	70706,50	3
4	IKAN DOO ZAVIDOVIĆI	4218920090001	70938,60	4

TOK E-AUKCIJE

Period trajanja e-Aukcije

Početak: 4.6.2024. 11:00:00

Završetak: 4.6.2024. 11:10:00

R.br.	Naziv ponuđača	IDB/JIB	Datum i vrijeme podnošenja nove cijene	Cijena u KM bez PDV-a
1	DOBOJPUTEVI DD DOBOJ JUG	4218113270004	4.6.2024. 11:02:52	65630,60

KONAČNA RANG LISTA PONUĐAČA KOJI SU UČESTVOVALI U E-AUKCIJI

R.br.	Naziv ponuđača	IDB/JIB	Konačna cijena u KM bez PDV-a	Umanjenje cijene	Rang
1	DOBOJPUTEVI DD DOBOJ JUG	4218113270004	65630,60	4,75% **	1
2	KOMGRAD-ZE D.O.O.	4218753680004	65631,10	0%	2
3	D.O.O. "GEO-PUT"	4218460740002	70706,50	0%	3
4	IKAN DOO ZAVIDOVIĆI	4218920090001	70938,60	0%	4

** Označava približnu vrijednost procentualnog umanjenja nakon zaokruživanja na dvije decimale

Status e-Aukcije	Završena
------------------	----------

OBRAZAC ZA CIJENU PONUDE-RADOVI lot-8

Naziv ponuđača: „Doboj putevi“ dioničko društvo Doboj JugPonuda broj: 011-1111-8/24 od 29.05.2024. godine

Lot-8 Izrada presvlake na LC u MZ Novi Miljanovci, Izrada presvlake na putu bare-škola-Omerbašići u MZ Miljanovci-Lončari; Asfaltiranje lokalnog puta Ibrahimovići u MZ Šije, Izgradnja puta Jazovi u MZ Bobare-Drinčići-Blaževci

Red ni broj	OPIS RADOVA	Jedinična mjera	Količina	Jedinična Cijena u KM bez PDV-a	Ukupna cijena u KM bez PDV-a
I Izrada presvlake na LC u MZ Novi Miljanovci					
1	Mašinsko zasjecanje asfaltnog kolovoza podnom dijamantskom pilom prosječne debljine d=7,00 cm	m1	21,00	5,20	109,20
2	Mašinski iskop jarka i polaganje PVC cijevi Ø160 sa zatrpavanjem tamponskim materijalom	m1	30,00	31,50	945,00
3	Nabavka i ugradnja LŽ slivnika 35x35, komplet izrada	kom	1,00	290,00	290,00
4	Čišćenje i prskanje postojeće asfaltne površine bitumenskom emulzijom 0,30 do 0,50 kg/m2	m2	400,00	1,25	500,00
5	Izrada nosivo-habajućeg sloja bituminiziranog drobljenca granulacije 0/16mm-BHNS 16 u sloju debljine d=5,00 cm (u zbjenom stanju)-mašnska/ručna ugradnja materijala BNHS-16 debljine d= 5 cm.	m2	400,00	24,35	9 740,00
6	Izrada izravnavajućeg sloja BHNS 16	t	15,00	192,50	2 887,50
7	Izrada bankina od zaglibljenog drobljenca debljine d=6,00 cm, širine 0,50 cm (u zbijenom stanju) sa nagibom od 4% od kolovozne konstrukcije	m2	50,00	3,70	185,00
Ukupno					14 656,70
II Izrada presvlake na putu bare-škola-Omerbašići u MZ Miljanovci-Lončari					
1	Mašinsko zasjecanje asfaltnog kolovoza podnom dijamantskom pilom prosječne debljine d=7,00 cm	m1	22,00	5,20	114,40
2	Čišćenje i prskanje postojeće asfaltne površine bitumenskom emulzijom 0,30 do 0,50 kg/m2	m2	450,00	1,25	562,50

A: Trg Alije Izetbegovića T: +387 32 650 022 F: +387 32 650 220 W: opcina-tesanj.ba E: suad.huskic@opcina-tesanj.ba



3	Izrada nosivo-habajućeg sloja bituminiziranog drobljenca granulacije 0/16mm-BHNS 16 u sloju debljine d=5,00 cm (u zbijenom stanju)-mašinska/ručna ugradnja materijala BNHS-16 debljine d= 5 cm.	m2	450,00	24,35	10 957,50
4	Izrada izravnavajućeg sloja BHNS 16	t	15,00	192 50	2 887,50
5	Izrada bankina od zaglibljenog drobljenca debljine d=6,00 cm, širine 0,50 cm (u zbijenom stanju) sa nagibom od 4% od kolovozne konstrukcije	m2	60,00	3,70	222,00
Ukupno					14 743,90
III Asfaltiranje lokalnog puta Ibrahimovići u MZ Šije					
1	Mašinsko skidanje kosina za proširenje puta	m3	35,00	7,54	263,90
2	Mašinsko skidanje postojećeg terena u sloju debljine d=20 cm sa utovarom i odvozom iskopanog materijala na deponiju do STD 2,00 km.	m2	567,00	1,75	992,25
3	Nabijanje podtla na površini mašinskog uređenja do potrebne zbijenosti	m2	567,00	0,95	538,65
4	Mašinski iskop kanala u materijalu III i IV kategorije sa odvozom iskopanog materijala na odlagalište	m1	162,00	2,10	340,20
5	Nabavka, dovoz i ugradnja drobljenog kamena krečnjaka, prečnika zrna 0-60 mm i izrada mehanički stabiliziranog sloja tampona debljine d=20,00 cm (u zbijenom stanju)	m2	567,00	7,35	4 167,45
6	Nabavka, dovoz i u gradnja betonskih ivičnjaka u oblozi betonom MB 15; spojevi obrađeni cementnim malterom; dimenzije ivičnjaka 18/24	m1	50,00	36,54	1 827,00
7	Nabavka, dovoz i ugradnja drobljenog kamena krečnjaka, prečnika zrna 0-32 mm i izrada mehanički stabilizovanog sloja tampona debljine d=10,00 cm (u zbijenom stanju)	m2	567,00	4,00	2 268,00
8	Izrada gornjeg nosivog sloja bitumeniziranog drobljenca 0/22 mm-VGNS 22 debljine d=6,00 cm (u zbijenom stanju) mašinska/ručna ugradnja	m2	567,00	29,20	16 556,40



9	Izrada bankina od zaglibljenog drobljenca debljine d=6,00 cm, širine š=0,50 m (u zbijenom stanju) sanagibom od 4% kolovozne konstrukcije	m2	162,00	3,20	518,40
				Ukupno	27 472,25
IV Izgradnja puta Jazovi u MZ Bobare-Drinčići-Blaževci					
1	Geodetsko obilježavanje i iskoličenje trase na terenu, situaciju u odgovarajućem mjerilu predati uz dokumentaciju o realizaciji projekta.	m1	65,00	1,15	74,75
2	Mašinski iskop materijala sa utovarom i odvozom na deponiju.	m3	60,00	7,55	453,00
3	Čišćenje kanala sa utovarom i odvozom na deponiju.	m1	65,00	2,10	136,50
4	Izrada mehanički stabilizovanog nosivog sloja tampona od drobljenog materijala granulacije 0/32 mm sa zbijanjem do MS=50.	m3	60,00	40,05	2 403,00
5	Nabavka, transport i ugradnja rizle kao završnog sloja debljine 3 cm sa planiranjem i valjanjem do potrebne zbijenosti.	m2	245	1,40	343,00
6	Izrada gornjeg nosećeg sloja od bituminiziranog materijala BNS debljine d= 7cm.	m2	245	34,20	8 379,00
8	Izrada bankina od kamenog agregata sa nabijanjem.	m2	65,00	3,70	240,50
				Ukupno	12 029,75
Ukupna cijena (I II III IV) bez PDV-a:					68 902,60
Popust:					0,00
Ukupna cijena (I II III IV) sa popustom bez PDV-a:					68 902,60

Potpis dobavljača: 

Napomene:

1. Cijene moraju biti izražene u KM . za svaku stavku u ponudi mora se navesti cijena.
2. Cijena ponude se iskazuje bez PDV-ea i sadrži sve nakanade koje ugovorni organ treba platiti dobavljaču. Ugovorni organ ne smije imati nikakve dodatne troškove osim onih koji su navedeni u ovom obrascu.
3. U slučaju razlika između jediničnih cijena i ukpnog iznosa ,ispravka će se vršiti u skladu sa jediničnim cijenama.
4. Jedinična cijena stavke se ne smatra računskom greškom, odnosno ne može se ispravljati.



